

Framanskráð reglugjörð er hjermeð sett, samkv. lögum nr. 85, 22. nóv. 9 1907, og tillögum hreppsnefndar Vestmannaeyjahrepps, til að öðlast gildi 15. febrúar 14. jan. 1914 og birt til eftirbreytni öllum þeim, sem hlut eiga að máli.

Í stjórnarráði Íslands, 14. janúar 1914.

H. Hafstein.

Jón Hermannsson.

Reglugjörð

10
10. febr.

fyrir eldvarna- og slökkvilið í Stykkishólmi.

1. gr.

Yfirstjórn brunamála í kauptúninu skal falin 3 manna nefnd og eiga sæti í henni oddviti hreppsnefndar, sem formaður, slökkviliðsstjóri og 1 maður, sem hreppsnefndin kys til 3 ára í senn.

2. gr.

Brunamálanefnd skal hafa eftirlit með því að hlýtt sje fyrirmælum laganna um varnir gegn eldsvoða, og að eldvarnaráhöld sjeu útveguð og þeim haldið í góðu standi. Hún skipar fyrir um hið árlega eftirlit með eldstæðum og hreinsun reykháfa, og um varúð alla, er hafa skal í húsum til að fyrirbyggja eldsuppkomu.

3. gr.

Eldvarna- og slökkvilið skiftist í þessa flokka:

- I. Slökkvilið, er skiftist í:
 - a. Slökkvívjelalið.
 - b. Vatnsburðarlið.
- II. Húsrifs- og bjarglið.
- III. Lögreglulið.

Fyrir hvern flokk um sig skipar brunamálanefndin yfirmann, undirforingja, varamenn og aðstoðarmenn eftir þörfum. Hún ákveður tölu liðsmanna í hverjum flokki og skipar fyrir um merki, ef þurfa þykir.

10

10. febr.

4. gr.

Þegar brunakall er hafð, er slökkvívjelaliðið skyldugt til að mæta svo fljótt sem unt er við slökkvívjelahúsið, og skal það neyta allra krafta til að koma slökkvívjelunum að eldstöðvunum sem allra fyrst.

Allir aðrir, sbr. 13. gr., eru skyldir til að mæta þegar við eldstöðvarnar.

5. gr.

Það er skylda slökkvívliðsins að vinna að því af fremsta megni að slökkva eld, er upp kann að koma í kaupþúninu, þannig að eigi standi hættu af, og takmarka útbreiðslu eldsins svo sem frekast er unt. Enginn slökkvívliðsmaður má fara burt frá eldstöðvunum fyr en yfirmaður slökkvívliðsins leyfir það.

Slökkvívliðið er, gegn hæfilegri þóknun, er slökkvívliðsstjóri í samráði við brunamálanefnd ákveður í hvert sinn, skyldugt til að kæfa eld í rústum og ryðja þær, ef þess er óskað.

6. gr.

Það er skylda bjargliðsins að bjarga úr eldsvoða mönnum og skepnum og verðmætum munum. Húsgirðingar og annað, er aukið getur eldinn eða hindrað slökkvívjelarnar, skulu þeir rífa niður að því leyti sem það er nauðsynlegt, eftir fyrirmælum slökkvívliðsstjóra. Þegar eigi þarf á neinu slíku starfi að halda, eru þeir skyldir til að aðstoða slökkvívjelaliðið

7. gr.

Það er skylda lögregluliðsins að halda reglu á við eldsvoða og við æfingar slökkvívliðsins, varna óviðkomandi mönnum að koma nærri eldstöðvunum og banna alla umferð um götur, þar sem þess þarf. Lögregluliðið skal gæta þess, að mannþyrpingar hindri ekki eða tefji slökkvívjelaliðið eða aðrar deildir slökkvívliðsins. Það sjer um, að inn í hús, sem í eldhættu eru, fari enginn nema húsbúar sjálfir og bjargliðið. Það sjer um vörslu á björguðu gósi, annast burtflutning og aðhjúkrun þeirra, er fyrir slysum kunna að verða, vísar burt eða tekur fasta þá, er sekir verða um brot og kærir þá.

8. gr.

Hinar nánari reglur um starfa hvers liðflokks um sig semur slökkvívliðsstjóri með ráði brunamálanefndar, og skulu yfirmenn flokkanna birta þær liðsmönnum sínum sem fyrirskipanir.

9. gr.

Slökkvívliðsstjóri hefir á hendi allar framkvæmdir, er að eldvörnum lúta, og stjórnar slökkvívliðinu í heild sinni við eldsvoða og við æfingar. Hann hefir

eftirlit með slökkviáhöldum kaптúnsins, heldur skrá yfir þau og sjer um að þau sjeu í reglu og ætíð til taks. Hann hefir eftirlit með því að yfirmaður hvers flokks færi nákvæma nafnaskrá yfir undirforingja, varamenn og liðsmenn í flokkn-um. Hann skal við störf sín bera einkennishúfu eða annað glögt merki. 10 febr.

10. gr.

Hreppsnefndin skipar slökkviliðsstjóra til 3 ára í senn og aðstoðarmann, er að öllu leyti gengur í hans stað, þegar hann er ekki viðstaddur.

11. gr.

Slökkviliðsstjóri má ekki fara burt úr kaптúninu, nema hann tilkynni það formanni brunamálanefndar, og setji, auk aðstoðarmannsins, annan í sinn stað til vara. Sama regla gildir og fyrir yfirmenn flokkanna.

12. gr.

Æfingar eldvarna- og slökkviliðsins ákveður slökkviliðsstjóri í samráði við brunamálanefnd, og skal kvatt til þeirra með venjulegu brunakalli, en brunamálanefndin ákveður og auglýsir, hvernig brunakalli skuli hagað.

13. gr.

Allir verkfærir karlmenn 20—60 ára að aldri, sem heimilisfastir eru í kaптúninu, að undanskildum lækni, sóknarpresti, lyfsala og þeim mönnum, sem með læknuisvottorði sanna, að þeir fyrir heilsubilun sjeu ófærir til vinnu, eru skyldir til að taka þátt í störfum eldvarnar- og slökkviliðsins. Hver sá, er eigi mætir tafarlaust á vettvangi þegar brunakall er hafið, eða sýnir óhlýðni eða mótpróa gegn fyrirskipunum yfirmanns, skal sæta alt að 25 kr. sektum, nema brotið sje itrekað eða sjerstakar ástæður sjeu til.

14. gr.

Brot gegn reglugjörð þessari varða sektum, alt að 50 kr., þar sem eigi er öðruvisi ákveðið. Sektir renna í sveitarsjóð.

Framanskráð reglugjörð, sem hreppsnefnd Stykkishólmshrepps hefir samið og samþykkt, er hjermeð staðfest, samkvæmt lögum nr. 85, 22. nóv. 1907, til að öðlast gildi 1. mars 1914 og birt til eftirbreytni öllum þeim, sem hlut eiga að máli.

Í stjórnarráði Íslands, 10. febr. 1914.

H. Hafstein.

Jón Hermannsson.